

Imbuit irrorans: sacræ circum undique lauri
Emisere novas frondes, baccaſque tumentes:
Aeris feſtis demulcent cantibus auras
A.igeræ volucrum turmæ: per prata citato
Diſcurrunt armenta gradu, & cum matribus agni
Lanigeris, & villoſis cum matribus hædi
Dant hilares ſaltus, inſuetaque gaudia miſcent.
Quid Satyri, Faunique rudes? Quid Oreades, atque
Fronſenti Dryades præcinctæ tempora ſerto?
Aonidum quid docta cohors? Tremiſcit incita denſas
Tellus ad choreas: confuſis arduus æther
Vocibus, & plauſu reſonat, fidibusque canoris.
Arcadiæ extremis ad ſacrum e ſinibus antrum
Convenere duces pecudum, pecorumque magiſtri,
Aſſuetique ſolum ferro exercere bubulci.
Huic plectrum, huic ſeptem imparibus compaſta cicutis
Fiſtula dat ſonitus feſtos: nemus omne reſultat
Carminibus, rupeſque cavæ, umbroſique reſceſſus,
Antraque pulſa ſonant, exceptaque carmina reddunt.
Phæbe pater, (nam tanta tuo ſine numine in arvis
Exorta Arcadicis quis gaudia credat, & omnem
Te ſine laurigeram cantu fremere undique ſilvam?)
Tu mihi tu denſam ex oculis age diſcite nubem,
Et cauſas tanti fremitus evolve latentes.
Sed quid ego Phæbum fruſtra moror? Aureus imo
Prorumpens late effundit ſe fulgor ab antro:
Fas illuc inferre gradus: audacia in ipſum
Immenſi jubaris fas lumina figere fontem.
Fallor? an Euthymii ſaxoſo e pariete vultus
Aurata in tabula pendet? Namque inde coruſcum
Emicat, & tanto jubar omnia lumine complet.
Proh ſuperi! Haud equidem fallor. Radiantia noſco
Numinis ora novi, & frontem, vultuſque nitentes.
Illum olim aerias cum primum ad luminis auras
Alma parens tenerum felici emiſit ab alvo,
Excepere manu nivea, & fovere calenti

Ad.